


Contact the publishers at:
P.O. Box 3457, Dalview 1544, Rep. Of South Africa

January 2002



Kweenda
a
Leza

TONGA

Written by Rev. Lindsay Cameron
Translation by Navy Samboko
Based on 6 studies by Paul Meeks –
“God, You and New Life”

Published by:

The Wesleyan Church
P.O. 3457, Dalview 1544, Rep. of South Africa



International Headquarters:
6060 Castleway West Drive, Indianapolis Indiana, USA
P.O. Box 50434, Indianapolis IN 46250-0434, USA

© 2001 The Wesleyan Church
For permission to reprint any part of these studies,
contact the publisher

14. Bala Johane 4:23-24.

- Ino mulimo uumbi wambungano nguuli? _____

15. Bala Ba-Hebbulayo 10:25.

- Ncinzi ncotuteelede kuleka kucita? _____

Mibuzyo Ya Mubandi

1. Ino mbungano yako inga yatalika buti kwaambila bamwi bantu a makani a Kristo? Ino inga wagwasya buti kwaambila bamwi bantu muzyisi zimbi amakani a Kristo?


2. Inzileleko nzi zyiboola kwiinda mukuswaangana abamwi bana Kristo?

3. Ino ninzila nzi imbi mbobakonzya kubeleka mumulimo wacikombelo?

Ncintu cipati kapati kuti ube muntu uuyanda kuyakucikombelo pele kacili cikombelo ciyiisya kasimpe naa ciyiisya amakani a Jesu. Lomba lugwasyo kuli baabo bakakupa kabuku kaziiyo eezi . Weelede kuya kucikombelo Insondo a nsondo kutegwa ukonzye kwiiya makani aa Leza alimwi ukonzye kukomena mubuna Kristo. Ulombe ziiyo zyabusimbungano kutegwa ukonzye kubeleka kabotu kakwiina kampenda naa kuyoowa mumbungano.

Lemba camumutwe eeci: Mataya 16:18

Ino Inga Ndazyiba Buti Kuti Ndi Mwana Wa Leza?



1 Johane 5 ⁹Kuti twazumina bukamboni bwabantu, bukamboni bwa-Leza mbupati, nkabela obu mbobukamboni bwa-Leza mbwaakalungulula a-Mwana wakwe. ¹⁰Oyo uuzuminina Mwana wa-Leza ulijisi bukamboni mulinguwe mwini. Oyo uutazuminina Leza wamucita mubeji, nkaambo tazuminini bukamboni obo Leza mbwaakatupa aa-Mwana wakwe. ¹¹Lino bukamboni mboobu, bwakuti Leza wakatupa buumi butamani, obu buumi buli mu-Mwana wakwe. ¹²Oyo uujisi Mwana ulijisi buumi, pele oyo uutajisi Mwana wa-Leza tajisi buumi, pe.

¹³Ezi zintu ndakazilemba kulindinywe nomuzumina kuzina lya-Mwana wa-Leza, kuti muzibe kuti mulijisi buumi butamani. ¹⁴Lino kaanzambwene nkitujisi kubusyu bwakwe nkaaka kakuti, na twakumbila kufumbwa cintu cili buti cili mbuli makanze aakwe, ulatumvwa. ¹⁵Nkabela na tulizi kuti ulatumvwa, coonse ncotukumbila, tulizi kuti tulijisi zikumbilo nzitwamukumbila.

¹⁹Tulizi kuti tuli ba-Leza anyika yoonse iikede muzibi. ²⁰Alimwi tulizi kuti Mwana wa-Leza wakasika, wakatupa busongo kuti tumuzibe silusinizyo, alimwi tuli mulinguwe oyu silusinizyo nkukuti mu-Mwana wakwe Leza, Jesu Kristo. Oyu ngu-Leza mwinimwini, mbuumi butamani.

Kobika mumutwe kampango aaka: I Johani 5:11-12.

Kuba mwana wa Leza ncintu cimwi ncokonzya kutazumbauzya. Tacikwe ndaba ambolimvwa, kwalo nkotanoolimvwi mbubwena coonse ciindi. Muzimwi unolimvwa kukomana alimwi muzimwi ziindi unoolimvwa bubu. Pele kasimpe kako kakufutulwa takajatikizyi a mbolimvwa. Kalaindilila akulimvwa kwko.

Muciiyo eeci uyoozyiba musemo wakasimpe aaka. Mizeezo yako imunukilwe, alimwi alusyomo lwako luyungizigwe a amuuya usalala mbuli mbobala akuliiya ciiyo eeci.

***Ndilizyi Kuti Ndimwana Wa Leza Kwiinda
Muzisyomezyo Zya Jwi Lya Leza***

1. Bala Ciyubunuzyo 3:20. Caamba kuti naa twamutambula Kristo mumyoyo yesu, uzyoomjila.
 - Sena wakumulomba kuti anjile mumoyo wako? _____
 - Ino Jesu ulikuli lino? _____
2. Bala Johane 1:12.
 - Kweendelanya akampango aaka, aabo bamutambula Kristo akumusyoma baitwa kuti nzi? _____
 - Sena wakamutambula akumusyoma Kristo cakasimpe? _____
 - Inolino wiitwa kuti uli mwanaani? _____
3. Bala Johane mutaanzi 5:13.
 - Ino ingatwzyibisisya buti kuti tulaabuumi butamani? _____

***Ndilizyi Kuti Ndimwana Wa Leza Kwiinda Mukuba
Abumboni Bwamuuya Uuslala***

4. Bala I Johane 3:24.
 - Ino inga twzyiba buti kuti Kristo ula pona mulindiswe? _____
5. Bala Ba-Roma 8:16.
 - Ino inga twzyiba buti kuti tuli bana ba-Leza? _____

***Ndilizyi Kuti Ndimwana a-Leza Kwiinda
Mukusinta Kwambwepona Lino***

6. Bala I Johane 2:3-6.
 - Ino busiime bwangu bulaali bwakuti ndili mwana wa Leza? _____

I Mbungano Iliamilimo Misalesale

9. Bala Incito 1:8.
 - Ncinzi basyomi ncobakeelede kucitila mwami? _____
 - Nkukuli nkobakaelede kuunka? _____
 - Ino nkukuli nkobaali kunoojana nguzu zyakuba bakamboni? _____
10. Bala Marko 15:16.
 - Nkukuli basikwiiya nkbakaelede kuunka? _____
 - Ncinzi ncobakeelede kucita? _____
 - Mbaani mbobakeelede kukambaukila? _____
11. Bala Ba-Galatiya 6:1-2.
 - Ino milimo nzi yobilo misalesale bana Kristo njobajisi kubana Kristonyina? _____
12. Bala Ba-Galatiya 6:10.
 - Tweelede kucitila bamwi zyintu zyibotu pele kapati bani? _____

Mbungano Njabunyina Bwabasyomi

13. Bala Incito 11:25-26.
 - Basyomi balaabuyandisi bwakuswaangana antoomwe kutegwa bakonzye kukomba a kuliya Bbaibbele antoomwe. Ino nkuuli ba Paulu a Bbanabasi nkobakaswaangana a mbunga yaba syomi bambi? _____
 - Ino bakakkala kaindi kalanfwu buti mubusena nkobakaswaangana a mbungano? _____

2. Bala Ba-Efeso 5:23.
 - Ino Nguni mutwe wacikombelo? _____ .
3. Bala Ba-Efeso 5:25.
 - Ncinzi Kristo ncaakaicitila mbungano? _____ .

Mungano Yitwa Kuti Mubili Wa Kristo

4. Bala Ba-Efeso 1:22-23.
 - Ino mbungano yitwa kuti nzi? _____ .
5. Bala Ba-Roma 12:5.
 - Ikuti katuli cibeela camubili wa Kristo, Ino twitana kuti tuli bani a bamwi bana Kristo? _____ .
6. Bala Ba-Roma 12:10.
 - Ino tweekede kulimvwa kuti tuli mubili omwe naa mumbungano? _____ .
7. Bala I Ba-Kolinto 12:26.
 - Ino tulimvwa buti twabona beenzuma basyomi bapengede? _____ .
 - Ino tulimvwa buti twabona beenzuma balimukusekelela? _____ .

Imbungano Yeelede Kukomena Akusumpuka.

8. Bala Incito 2:41-47.
 - Mbangaye bakayungizigwa kumbungano?(v-41) _____ .
 - Ino nzintu nzi zyone nzyobakalipeda kucita?(v-42) _____ .
 - Ino bakali kwiinka zyiindi zyangaye kutempele?(v-46) _____ .
 - Nguni wakayungizya kumbungano aabo bakasanduka?(v-47) _____ .

- Ino inga twazyiba buti kuti kulyaamba kwaumwi nkubeja kuti uli muzyi Leza? _____ .
- Ino kuti twalyaamba kuti tulimuzyi Leza pele katutabambi milawo yakwe ino inga twaitwa kuti tuli bani? _____ .

Lino Ndilizyi Kuti Ndili Mwana Wa Leza Mbuli Mbwepona Abasimukobo Ma

7. Bala I Johane 3:14-15.
 - Ino inga twazyiba buti kuti twainda kuzwa kubafu kuza kubuumi? _____ .
 - Ino Johane wakamwiita buti muntu uuzonda mweenzinyina? _____ .
 - Sena ulaabuumi butamani na? _____ .

Ndilizyi Kuti Ndilimwana Wa Leza Mbulimbwepona Kweendelanya A Mbwelanganya Zyibi

8. Bala I Johane 3:4-10. Mutumpango ootu ibbala (cibi) caamba cibi cicitwa mukuyanda kozyi kuti ncibi. Tacaambi ntenda naa kulubizya kotazyi.
 - Ino cibi nizni? (kampango ka 4) _____ .
 - Ino Jesu wakabilela kucita nzi munyika? (kampango ka 5) _____ .
 - Ino Johane waamba kuti nzi a muntu ubisya? (kampango ka 6) _____ .
 - Ino inga twamuzyiba buti muntu mululami? (kampango ka 7) _____ .
 - Ino muntu ubisya wiiwa kuti mguwani? (kampango ka 8) _____ .
 - Sena muntu inga wazwidaambele kubisya wamana kalyaamba kuti wakazyalululwa muli Leza? (kampango ka 9) _____ .

- Ino tubazyiba buti bana ba Leza a bana ba Saatani? (kampango ka 10) _____ .

9. Bala I Johane 2:1.

- Ino Johane wakazilembela nzi eezyi zyintu? _____ .

10. Bala I Johane 1:9.

- Ino kuti twabisya tweelde kucita nzi mpoona-mpoona? _____ .
- Ciindi noolyaambilila zyibi zyako ncinzi cicitika? _____ .

Ciindi noocita cintu kozyi kuti taciluzi alimwi tacimukkomanisyi Leza,weelede kulyaambilila mpoonya mpoonya kuli Leza akumulomba kuti akulekelele. Umulombe kuti akugwasye kwiiya mbonga ulazunda kuzyibila kubi syakuti upone buumi bupya.Leza uyanda kuti upone buumi busalala, kutali buumi bwakubisya.

Mibuzyo Ya Mubandi

1. Ino mulimo nzi wamuuya uusalala kweendelanya akuzibisisya lufutuko lwangu?
2. Ino nцитondezyo nzi citotendezya kuti ndimwana wa Leza ca kasimpe?
3. Sena inga ndalyaamba kuba mwana wa Leza nezwida ambele kubisya a caali?

Lemba ca mumutwe ca I Johane 5:11-12.

Icikombelo

Kweenda a Leza **9**



Incito 2 ⁴¹Mpoonya abo abakatambula makani aakwe bakabapatizigwa, mbubonya buzuba obo bakayungililwa bantu bati kabe myaanda iili makumi otatwe.

⁴²Balo bakacilisungweede mukwiisya kwabaapostolo, amukuswaana muuya, amukukomona mukamu, amukukomba. ⁴³Bantu boonse bakasikilwa kuyoowa. Malele azitondezyo zinjizini zyakacitwa baapostolo. ⁴⁴Boonse basyomi bakali antoomwe, basanganya zyoonse nzobali kujisi, ⁴⁵baurya lubono lwabo ezintu zyabo, baabana boonse mbuli kubula kwaumwi umwi. ⁴⁶Mazuba oonse bakali kusungweede amoyo omwe muntempele, akukomona mukamu mumaanda aabo, balya zilyo zyabo akubotelwa amyoyo iituba, ⁴⁷balalumba Leza akukonda bantu boonse. Mazuba amazuba Mwami wakabayungilila abo abali kufutulwa.

Bika mumutwe kampango aaka: Matayo 16:18.

Mbuli bana Kristo tuzulilwa kumukwasyi mupati wabana Kristo wiitwa kuti Cikombelo (curc) naa mbungano.Cikombelo inga caitwa kuti mukwasyi wa Leza,a Leza kali Taata wesu waku Julu alimwi boonse bana Kristo munyika baitwa kuti mbana bokwesu nkaambo ka Taata omwe. Mumukwasyi waba zumini naa basyomi tujana Luyando akubambana,Bunyina a kukomba, Kubambululana a kwaabana kanzyotujisi. Kuli milimo njotweelede kucita mumukwasyi ooyu mupya,alimwi ncecili Cibotu kupona buumi bwabuna Kristo.

Kristo Ngomutwe Wacikombelo.

1. Bala Mataya 16:18.

- Ino Cikombelo nccani? _____ .

- Nguni uyooyaka cikombelo? _____ .
15. Bala Johane 9:1-5.
- Muzimwi ziindi Leza uyanda kuti tutondezaye bulindizi nokuba mumapenzi. Munzila eeyi tutondezaya nyika kuti tulaabulangizi butali bwa munyika. Ino ncinzi Johane ncaamba kuti tucite aboobu? _____ . Alimwi bala Johane 21:18-19.
16. Bala I Petulo 5:8.
- Muzyimwi zyiindi mapenzi aletwaani? _____ .

Bamwi bantu bayeeya kuti kuciswa kuboola a cinyonyoono ncookacita. Eeci inga cabakasimpe pele alimwi inga teecaba cakasimpe. Mapenzi inga aletwa azyeezyi nzyotwaamba waawa. Jesu wakapenga pele taakajisi cibi. Muzimwi zyiindi Leza ulakusyoma ukusala kuti umupengele.

17. Bala Jakobo 5:13-16.
- Sena Leza uyanda kuti tupailile kupona? _____ .


Ncintu cibotu kulomba Leza kuti akuponye pele tolede kumuzumananika pele welede kumusyoma. Ulaamuzeezo muhtu wesu citaambiki.

Mibuzyo Ya Mubandi

1. Kolanga buumi bwa Joobo mucizuminano cakaindi. Sena wakapengela kuti wakali aacibi?
2. Ncili citola lusyomo lunji: Kukkomanana ciindi nopenga naa kuponezyigwa?

Lemba camumutwe eeci; I Petulo 1:6-7.

Ino Lufutuko Ninzi?



Ba-Efeso 2 ¹Lino anywebo wakamubusya, inywe nimwakafwide mundubizyo zyanu amuzibi zyanu, ²nzimwakali kweendela mulinzizyo insiku, cakutobela ziimbo zyaansi ano azyamweendelezi ujisi bwami bwakumuwo, nguwenya muiya uubeleka sunu muiyoyo yabana bakasampusampu. ³Akati kabaaba mpotwakali kuponena aswebo kalekale, nkaambo twakali mumayabwe aanyama yesu, twakali kucita zisusi zibi zyanyama azyamyoyo yesu, nkabela mubwiime bwesu twakali bana babukali mbubonya mbuli bamwi. ⁴Pele Leza, Sibuyi loko, nkaambo kaluyando lwakwe lupati, ndwaakatuyandisya, ⁵nekuba kuti twakalifwide mumilandu, wakatubusya toonse antoomwe a-Kristo (luzyalu ndomufutuzidwe). ⁶Wakatusumpwida antoomwe anguwe akutukazika toonse mumyeenya yamujulu muli-Kristo Jesu, ⁷kuti mumizukulu iiza azootondezaye buvubi bugambya bwaluzyalu lwakwe mulweetelelo lwakwe ndwaaetelela ndiswe muli-Kristo Jesu.

⁸Nkaambo kakuti luzyalu ndolumufutisizye nkaambo kalusyomo, nkabela makani taazwi kulindinywe nubeni, ncipo buyo cizwa kuli-Leza. ⁹Teensi makani aancito zyesu, pe, kuti kutabi muntu uulikankaizya. ¹⁰Nkaambo iswe tuli milimo yamaanza aakwe, twakalengelwa milimo mibotu muli-Kristo Jesu, njiyo njakabambide kale, kuti tweendele mulinjijo.

Camumutwe Ba-Efeso 2:8-9.

Leza wakabamba lufutuko lwa muntu nyika kaitana kulengwa. Jesu waka zuzikizya bulete bwalufutuko lwesu kwiinda mulufu lwakwe a ciciinkano amukubuka kwakwe kuzwa kubafu. Lufutuko talilibbala lyabuyo. Ncintu cimwi citakonzyi kucinwa muntu woonse ncaakonzya kubaancico kuti naa waleka akulyaambilila zyibi zyakwe akutambula Kristo mulusyomo.

Muciiyo eeci ulaiya zimwi zintu zyipati zyakacitika mubuumi bwako nookatambula Jesu klilsito mumoyo kwiinda mulusyomo.

Zibi Zyako Zyakalekelelwa

1. Bala Johane 3:16.
 - Muukambo nzi Leza nkaaktumina mwanaakwe Jesu Kristo munyika? _____.
 - Ncinzi ncookatambula nookasyoma muli Jesu Kristo? _____.
2. Bala I Johane 1:9.
 - Ncinzi mwami ncaakacita nookalyaambilila zibi zyako? _____.
3. Bala Incito 3:19.
 - Ncinzi cakacitika kuzibi zyako ciindi nookasanduka? _____.
4. Bala Ba-Kolose 1:14.
 - Ino lufutuko akulekelelwa kwako kwakapegwa buti? _____.
5. Ba-Hebbulayo 10:17.
 - Sena Leza uyooziyeeya zyibi zyako alimwi? _____.

Wakasakazigwa A Leza.

6. Bala Johane 3:17-19.
 - Ino nkaambo nzi bantu ncobajanwa mulandu kubusyu bwa Leza? _____.
7. Bala Johane 3:18.
 - Ino tubula kucitanzi kutegwa tutajaniki amulandu? _____.
8. Bala Ba-Roma 5:1.
 - Ino nimpindu nzi njotululamikwa alusyomo? _____.
9. Bala Ba-Roma 8:1.
 - Ino nguni waangulukide kuzwa kukubetekwa? _____.

9. Bala II Ba-Kolinto 12:7-10.
 - Sena Jesu ulaponya lyoonse? _____.

Peepe! Nkaambonzi? Jesu taponyi lyoonse nkaambo ulaamuzeezo mupati kwiinda. Jesu tali mung'anga naa kamucape. Ulaanguzu kwiinda banganga Mung'anga inga wakonzya buyo kubambulula nyika asyoonto. Pele Jesu ubamba Nyika iimpya yesu eeyi nyika yitwa kuti nd Julu.

10. Bala Ciyubunuzyo 21:1-4.
 - Ndilili Jesu nayoozwisya kupenga? _____.
11. Bala Johane 14:1-4.
 - Mbantu nzi Jesu mbayootola kujulu? _____.

Lino Jesu inga watuponya, pele kuyanda kwakwe kwakusaanguna nkwakuti uyanda kutubambulula kutegwa tukonzye kunjila kunyika mpya njatubambila.

12. Bala Ba-Roma 8:28-29.
 - Ino Leza uyanda kutubamba kuti tube mbuli ni? _____.

Jesu wakapenga. Yebo naatopengi tokonzyi kuba mbuli Jesu. nkaambo Paulu muba Roma 5:3-5, “Nkabela teensi aya luzutu, pele alimwi atatangale mumafwabi esu, nkaambo tulizi kuti mafwabi alaleta lukakatilo, alwalo lukakatilo lulaleta ziimbo zisunke, azyalo ziimbo zisunke zilaleta bulangizi, nkabela bulangizi tabuusyi bweeme, nkaambo kakuti luyandisyo lwa-Leza lulapaya mummyoyo yesu kuzwa ku-Muuya Uusalala ngutwapegwa.”

Jakobo 1:2-4, waamba kuti, “*Bakwesu, amuyeeye kuti ncoolwe cipati na mwasikilwa masukusyo aamisyobo misyobo, nkaambo mulizi kuti kusukusigwa kwalusyomo lwanu nkokuleta lukakatilo. Eno lukakatilo alukalondole mulimo walo woonse, kuti mube balondosi akuba aciimo cizulide cakutabula cintu.*”

13. Bala Ba-Roma 8:18-19.
 - Ncili cintu cipati kwiindilila, eeyi Nyika iyoomana linolino naa Ijulu litakamani? _____.

Nkaambo Nzi Ncotweelede Kupenga

14. Bala Ba-Hebbulayo 12 :7-11.
 - Muzimwi ziindi kupenga nkubambululwa naa kubikkwa muluyando lwa Leza. Ino Leza usoleka kucita nzi mukutubambulula? _____.

Jesu Wakapenga.

1. Bala Izaya 53:3
 - Sena buumi bwa Jesu bwakali buubauba? _____ .
2. Bala Luka 9:22.
 - Sena Jesu wakaliziyi kuti uyakupenga? _____ .
3. Bala Ba-Hebbulayo 12:2-3.
 - Nkaambo nzi Jesu ncaakazumina kupenga kwaaciciinkano? _____ .

Bantu Bayootupenzya Nkaambo Kakutobela Jesu.

4. Bala I Petulo 4:12-14.
 - Sena tweeledede kugambwa amakani aakupenga? _____ .
 - Ndilili notuyookkomana? _____ .
5. Bala Johane 15:18-20.
 - Ino bamwi bantu bayookulanganya buti waba muna Kristo? _____ .
6. Bala Ba-Filipi 1:29.
 - Notwapegwa buumi kwiinda muli Kristo ncinzi cimbi ncotupegwa? _____ .
7. Bala Luka 23:34.
 - Ino Jesu wakcita buti naa wakavwiila buti kubakali kumupenzya? _____ . Uyanda kuti tucite naatuvwiile mbubonya.

Tulakonzya Kupenga Kwiinda Mukuciswa

8. Bala Johane 11:17-45.
 - Sena Jesu inga waponya kufumbwa bulwazi? _____ .

Oobo mbobwini kuti Jesu ulakonzya kuponya kufumbwa bulwazi.
Nokuba boobo....

Wakazyalululwa A Kulengululwa Akupona Mumuuya

10. Bala Johane 3:3-7.
 - ³Jesu wakavuwa kuti, Ncobeni ndakwaambila kasimpe, Muntu atazyalwa akuzyalwa kwakujulu, takonzya kubona Bwami bwa-Leza.
 - ⁴Nikodemo wakamwaambila kuti, Ino muntu ulakonzya buti kuzyalululwa acembaala? Sena ulakonzya kunjila Iwabili mwida lyabanyina, kuti azyalwe alimwi ?
 - ⁵Jesu wakavuwa kuti, Ncobeni ndakwaambila kasimpe, Muntu atazyalwa amanzi a-Muuya, takonzya kunjila mu-Bwami bwa-Leza. ⁶IcizyaIwa mumubili, mubili, acalo icizyalwa mu-Muuya, muuya. ⁷Utagambwi mbwendakwaambila kuti, Ulyeelede kuzyalwa akuzyaIwa ukuzwa kujulu.
 - Ino nkaambonzi ncotubula kuzyalululwa? _____ .
11. Bala Ba-Efeso 2:1-5.
 - Ino muuciimo nzi mowakabede Leza katanakulengulula? _____ .
12. Bala Johane 5:24.
 - Ino ujisinzi lino ncowatakajisi kutaanguna? _____ .
13. Bala Ba-Kolinto babili 5:17.
 - Ino muntu uuli muli Kristo wiitwa kuti nzi? _____ .

Wakabambwa Kutu Ube Mwana Wa Leza.

14. Bala Johane 1:12.
 - Ino ninguzu nzi zipedwe kuli boonse bakamutambula Jesu Kristo? _____ .
15. Bala I Johane 3:1-2.
 - Akaambo ka luyando Iwa Leza lupati kulindiswe,ino twiitwa kuti tuli bani? _____ .
16. Bala Ba-Roma 8:14.
 - Ino ncitondezyo nzi comwe caamba kuti tuli bana ba Leza? _____ .
17. Bala Ba-Roma 8:17.
 - Mbaani basilukono iwa Leza? _____ .

Lufutuko ncecintu cipati alimmwi cigambya kwiindilila zyoonse munyika. Nkunji nkokujisi nkutwatalanganya muciiyo eeci. Oolu Lufutuko ndotubotelelwa nduzibo luzumanana, alimwi luyoojana kuzuzyikizigwa kuzulide mubuzuba bulelekedwe mbwaboola Kristo.

Tito 2 ¹¹Nkaambo luzyalo Iwa-Leza luleta lufutuko lwaboneka kubantu boonse, ¹²kuzootwiisya kuti tuleelede kukazya kasampusampu azisusi zibi zyaansi ano, tuleelede kukala cakulibatamika acakululama acakulemeka Leza muciiindi ecino casunu, ¹³akulindila eco coolwe ncotulangila, nkokuti kupompa kwabulemu kwa-Leza wesu mupati, Mufutuli wesu Jesu Kristo, ¹⁴nguwenya wakalyaaba nkaambo kesu, kuti atununune kuzibi zyoonse akulisalazizya bantu kuba banakwakwe, balisanga kumana milimo mibotu.

¹⁵Eno ngaaya makani ngoelede kwiisya akukombelezya, alimwi kolisina kukwaamba cabwami boonse. Kutabi muntu ukubaula.

Mibuzyo Ya Mubandi

1. Ino Jesu wakapa buti lufutuko lwesu?
2. Kopa zyikozyanyo kuzwa ku Bbaibbele kutondezya maumi abantu mbwaakasinta nibakafutulwa.
3. Ino nkusinta nzi kwatola busena mulindiwe kuzwa kuciindi nookatambula Kristo mbuli mufutuli wako wacigaminina?

Lemba ca mumutwe mukampango aaka, Ba-Efeso 2:8-9.

Mapenzi



Isaya 53 ¹Ino nguni wakazuminina makani esu? Nguni wayubunwidwa kuboko kwa-Jehova? ²Wakakula kumeso aakwe mbuli intengantenga ambuli muyanda uuzwa munyika injumu. Katajisi ciwa cibotu nibuba bwiime bweebesi kuti tumweebele. Katajisi bweebesi bucita kuti tumuyande. ³Wakasampaulwa akukakigwa kubantu, muntu wamapenzi uubweni maciswe. Kali mbuli muntu uusesemya meso; wakasampaulwa; teetwakamulemeka pe.

⁴Ncobeni wakalemenwa maciswe esu, wakatola mapenzi esu. Iswe twakayeeya kuti ijanza lya-Leza ndelyamuletela mapenzi ayo ngaaumwa. ⁵Pele wakayaswa nkaambo kamilandu yesu, wakaumwa nkaambo kazibi zyesu. Kutugwasya iswe nceiceco ncaakakwabbawidwa, amibunda yakwe njiituponya. ⁶Toonse twapambuka mbuli imbelele ziswekede, twatola umwi aumwi inzila njayanda mwini, lino Jehova walemezya nguwe milandu yesu toonse.

⁷Wakapenzegwa akufwiinsigwa, nekubaboobo taakwe naakabbanuna mulomo wakwe abuniini. Wakeenzegwa mbuli kabelele kaya kukujayigwa, ambuli imbelele iiumuna mumaanza aasikugela, mbubonya alakwe takajulidwe mulomo wakwe. ⁸Wakakasigwa kubetekwa kabotu, aboobo wakatolwa. Nguni akati kabasanyina wakabika moyo wakwe kumakani aya aakuti, naakagwisigwa munyika yabaumi njimilandu yabantu bangu njaakauminwa. ⁹Wakabikwa mukabanda antoomwe abasizibi, wakazikwa amuvubi, nekuba kuti taakwe bubi mbwaacitide, alimwi taakwe naakaamba calweeno abuniini. ¹⁰Pele lukanze lwa-Jehova ndolwakamuma...

Bika mumutwe camumutwe eeci: I Petulo 1:6-7.

Nokuba kuti Jesu wakali Leza uupona mubuntu, pele wakalizumizya kuti apenge. Wakapenga mukusiya Julu, mukupona mbuli muntu mucete munyika, Mukukakwa abaabo mbaakali kuyeeyela kuti inga baba beezininina alimwi a kufwa lufu lwaba fumpi. Wakacita mukuyanda. Wakacita oobu nkaambo wakali kubayanda aabo bakasweekede, alimwi akuti wakali kuyanda kuleta bulemu kuli Bausyi. Eeci muzimwi zyiindi tacili cintu cuubauba kuziyiba. Cimwi cintu cinga caindilila kukatazya kuziyiba nkukutu wiita bamwi basyoma kuti bamutobele mwaakainda.

Jesu wakakubikka kupa mbuli ciibela cisyoono ca nkotumukweletede Leza.

12. Bala Mataya 23:23.

- Sena Jesu wakalikusyoma kuti kwakkumi kweeledwe kucitwa? ____ .
- Ino ncinzi ncaakalikuyanda cimwi kunze akupa kwakkumi kwalo?
_____ .

13. Bala Nehemiya 10:37.

Akalo kabalwebalwe kabusu bwesu azituuzyo zyesu, amicelo yamisamu yoonse, awaini, amafuta, zyoonse twakazumina kuzileta kubapaizi mutwaanda twayanda ya-Leza wesu; acipanzi cakumi canyika yesu twakazumina kuzileta kuba-Levi, nkaambo mbombabo ba-Levi beelede kupegwa cipanzi cakumi mumunzi yoonse yakulima kwesu.

- Ncinzi cimwi ncotweelede kupa kwakkumi kunze a mali? _____
_____ .

14. Bala II Ba-Kolinto 9:6-11.

- Ino Leza undigwasya buti kuti ndibe muntu upa cabwini? _____
_____ .

Mibuzyo Ya Mubandi

1. Sena inga twapa kwiindilila a kwakkumi?
2. Zyiipego zyiindilila akwakkumi zytwa kuti “Mulumbo zyakuliyandila.” ulaangulukide kupa mulumbo kufwumbwa ncoyanda kupa. Pele kotanapa mulumbo, Leza uyanda kuti ulete kwakkumi kucikombelo cako. Ino ncipego nzi cinga caitwa kuti “mulumbo wakuliyandila?”
3. Muubuti luse lwako kuli bamwi mbolunga lwaba citondezyo mbulimbolumba kuli Leza kuluse lwakwe?

Lemba camumutwe eeci: Ba-Roma 12:1

Kupaila



Matayo 27⁴⁵ Lino kuzwa kujjindi casikati kusikila nilypungaunga, kwakaba mudima anyika yoonse. ⁴⁶Nkabela nilyaurngaunga, Jesu wakoongolola aiwi ipati, waamba wati, Eli, Eli, lama sabaktani, nkukwaamba kuti, Leza wangu, Leza wangu, wandisiilanzi?

⁴⁷Nibakamvwa obo, bamwi ibakaimvwi oko bakaamba bati, Muntu oyu ulaita Eliya.

⁴⁸Mpawo umwi akati kabo wakazusa, wabweza insinsa, waizuzya wainiuulula, waibika atete akumunywisya. ⁴⁹Abamwi bakaamba bati, Muleke, tubone na ulaboola Eliya kuzoomufutula.

⁵⁰Nkabela Jesu wakoongolola lwabili ajwi ipati, elyo wakafwa. ⁵¹Lino mpawo cisitilizyo camuntempele cakadeluka kujulu akusikila ansi. Alimwi nyika yakazungana, ayalo myala yakaanduka. ⁵²Atubanda twakavunuka, nkabela mibili minji yabasale ibakali kuona yakabuka, ⁵³yazwa mutubanda musule lyabubuke bwakwe, yanjila mumunzi mulemu, akubonekela bantu banji.

⁵⁴Lino silutwe ambaakali abo mukulangilizya Jesus, nibakabona muzuzumo wanyika aamwi makani, bakayoowa loko, baamba bati, Ncobeni oyu muntu kali Mwana a-Leza.

⁵⁵Nkabela kakuli banakazi banji, bakali kweebelezezya kulekule, mbabonya bakatobela Jesu kuzwa ku-Galilaya amukukutaukila.

Mucizuminano cakaindi bantu tiibalikukonzya kunjila mutempele. Balikke bapaizyi mbibazumizyidwe kunjila mutempele, alimwi alikke mupaizyi mupati nguwaazumizyidwe kunjila kunze aamulembo wa tempele kutegwa aambaule a Leza. Nokubaboobo ciindi Jesu naakafwida zyibi zyesu wakazwisya bukali bwa Leza. Kwalino bantu boonse inga bakonzya kulekelelwa akukonzya kwaambaula a Leza ca kuteengulukula. Nkakaambo mulembo ncowakazapuka akati muzybeela zyobile. Kwakali kwiitwa kwesu kuli Leza kuti tuboole kutegwa twaambaule anguwe cigaminina. Kwalino tatuciindi mumupaizyi mukuyanda kwaambaula a Leza.

Camumutwe: Mataya 7:7.

Leza Utwiitila Kukomba

1. Bala Johane 16:24.
 - Kwaambaula a Leza kuyaka bweenzinyina anguwe. Ncinzi cicitika notwalomba? _____
2. Bala Mataya 7:7.
 - Ncinzi Leza ncayanda kutucitila notulomba, kuyandaula, nokuba kukonkomona? _____
3. Bala Mataya 26:41.
 - Ino nkaambo nzi kambi nctweelede kupaila? _____
4. Bala Luka 11:1-4.
 - Nzyintu nzi zytweelede kukombela? _____

Buumi Bwabukombi

5. Bala Marko 1:35 alimwi ubone citondezyo ca Jesu mukaambo kakupaila.
 - Jesu wakali kupaila muciiindi nzi? _____
6. Bala Luka 6:12-16.
 - Ino kupaila kwakali kupati buti kuli Jesu? _____
7. Bala Luka 10:38-42.
 - Maata wakali kubeleka canguzu, pele Maliya wakakucita cintu cibotu kwiindilila. Ino ncinzi Maliya ncaakali kucita? _____
 - Ino kukkala amaulu a Jesu cikozyenye buti a kupaila? _____

Mbotweelede Kukomba

8. Bala Luka 18:9-14.
 - Nkaambo nzi Jesu ncatukaiyanda mipailo yaba Falisi? _____

Mali Ngotujisi Ngaa Leza

Ibbaibbele litupa malailile atazumbaizigwi amakani a bubanzi bwamali a Leza. Cimwi citondezyo cakusaanguna cilajanwa mu-Matalikilo.

9. Bala Matalikilo 14:18-20

“Nkabela Melkasideke mwami Wa-Salemu wakaleta zinkwa awaini. Kali mupaizi wa-Leza Mupatikampatila. Lino wakamulongezya, wati, Akondezegwe Abram ku-Leza Mupatikampatila, muvubi wajulu anyika. Alumbwe Leza Mupatikampatila iwakaaba basinkondonyoko mumaanza aako. Elyo wakamupa cipanzi cakumi cambono zyoonse.”

- Ino Ambulahamu wakatondezya buti kulumba kuli Leza? _____

Ooku kupa kwakkumi kumali ngojisi kuli Leza cakazyibwa kuti nkupa **KWAKUMI**. Mbotondezya kuti zyoonse nzyojisi zizwa kuli Leza akuti boonse buumi bwako bulimuli Leza alikke.

10. Bala Matalikilo 28:20-22.

“Elyo Jakobo wakakonka cikonke, wati, Na Leza wazumina kuba ambebo akundibamba mulweendo olu nduntolede, alimwi ulandipa insima yakulya azikobela zyakusama, akundiboozya caluumuno kuḡanda yataata, elyo Jehova uyooba Leza wangu, alyalo ibbwe eli ndinjimikide kuti libe malende liyooba iḡanda ya-Leza. Alimwi kufumbwa nzondipa, ncobeni njooboozya cipanzi cakumi cazyo kulinduwe.”

- Ino Jakobo wakatondezya bulemu kuli Leza? _____

11. Bala Malaki 3:8-12.

“Sa ncibotu kuti muntu abbide Leza? Nkaambo inywe mulabba kulindime. Pele mwati, Twakubbida nzi? Mwandibbida zipanzi zyakumi azituuzyo. Mulitukidwe lutuko, nkaambo mwandibbida, oyu mukowa woonse. Amunjizye zipanzi zyakami zyoonse muḡanda yacyobwedo, mube zilyo muḡanda yangu, elyo amundisole obo, mbwaamba Jehova wamakamu. Munoobona kuti njoomujalwida zipulo zyakujulu akumutilila coolwe cakufwasuka loko. Nkabela njoomutapatilila sikulyabantu, kuti atanyonyooni micelo zanyika. Misaansa yanu taikooyoosowa limbi micelo yayo mumuunda ciindi ceelede nicitana kusika, mbwaamba Jehova wamakamu. Elyo bantu bamisyobo yoonse bayooamba kuti muli acoolwe, nkaambo muyooba cisi ciyandwa, mbwaamba Jehova wamakamu.”

- Ikuti katutaleti kwakkumi kucikombelo ncinzi ncoyucita? _____
- Ino kuti kwakkumi kwalubwa ncinzi cicitika? _____
- Ino ncinzi cicitika notupa kwakkumi mbokweelede? _____

- Ino uyooba kuli Kristo aakulibonya? _____ .
 - Ino kuyeeya kwesu kweelede kuba kuli? _____ .
2. Bala Ba-Roma 12:1.
- Ino ulibona buti lino? _____ .
3. Bala 2 Ba-Kolinto 5:14-15.
- Ino buumi mbotupona munyika mbubwani? _____ .
4. Bala Ba-Galatiya 2:20.
- Ino ndiponena ni? _____ .

Bubanzi bwa buna Kristo bwaamba caamba kuzyiba kuti Leza ngomukamwini maumi eesu oonse, mibili, matalenta eesu ciindi a Zyotujisi zyoonse. Aboobo koonse tubambila nguwe. Zyintu zyoonse mubwini mbwakuti zintu eezi tazili zyesu nkaambo zyoonse zyizwa kuli nguwe. Aboobo tuyakuvwiila a mbuli mbotupona a mbuli mbtubelesya naa mbotubanza nzyootujisi zyoonse zyatupede.

Kasimpe nkakuti, Jesu naakatufwida wakatola busena bwesu. Wakabweza zyibi zyesu akutupa kusalala kwakwe. Tulaa buumi bwakwe awalo ulaabuumi bwesu. Kuti kolimuna Kristo, Tocili nduwe oola buumi. Nguubujisi buumi bwako lino, Yebo ncocita lino umulangila buumi bwako. Cili mbuli muntu ulanga Cintoolo caumwi muntu. Muntu ulanga Cintoolo talimukamwini Cintoolo alimwi weelede kwaamba cicitika kuli muka mwini naa mwinaaco.

Mibili Yesu A Ncoikonzya Kucita Nzyi Zyakwe

5. Bala I Ba-Kolinto 6:19-20.
- Nguni upona mumibili yesu? _____ .
 - Ino mbubuti mbotweelede kulemya Leza? _____ .
6. Bala Ba-Roma 12:1.
- Ncinzi ncotweelede kucita a mibili yesu? _____ .
7. Bala Ba-Roma 12:6-8.
- Ncinzi ncotweelede kucita a zyipego zyatupede Leza? _____ .
8. Bala Ba-Efeso 5:16.
- Ino ncinzi cimwi ncotuli babanzi? _____ .

- Nkaambo nzi Leza ncaakauyanda mupailo wasimutelo? _____ .
9. Bala Mataya 6:5-8.
- Ino mbubuti Jesu mbwatukulwaizya kuti tukombe mukampango aaka? _____ .
10. Bala Incito 4:31.
- Nkukuli basikwiiya nkobakabede nibakapaila, mukampango aaka? _____ .

Muzyimwi ziindi tulapaila tolikke alimwi muzimwi ziindi tula paila antoomwe. Mbotweelede kupaila tacili cintu cipati, cintu cipati ncakuti tweelede kuba aciimo cakulibombya twapaila kwaambaula a Leza.

11. Bala Ba-Roma 8:26-27.
- Ino Leza ukugwasya buti ciindi notajisi mabala akubelesya kukomba? _____ .

Mupailo Wingulwa

12. Bala Johane 15:7.
- Ino ncinzi ncotweelede kucita kutegwa mipailo yesu iingulwe? _____ .
13. Bala Mataya 21:21-22.
- Ino mupailo ulaanguzu zinji buti? _____ .

Bamwi bantu balanyongana Leza naati “Pe” kumipailo yabo. Nkozizli zintu ziyandika kucita kumupailo kutegwa wiingulwe.

14. Bala Mataya 26:39.
- Ncinzi Jesu ncaatakayanda kuti cicitike? _____ .
 - Nokuba boobo ncinzi ncayanda kuti cicitwe kutali mukuyanda kwakwe? _____ .
15. Bala II Ba-Kolinto 12:7-9.
- Ino nkaambo nzi mupailo wa Paulu ncowatakavwiilwa? _____ .

16. Bala Jakobo 4:1-3.

- Ino nkaambo nzi mipailo yabaaba bana Kristo ncoyatakavwiilwa?

Tula kulwaizigwa kumulomba Leza nzyotuyanda mumupailo, Pele tweelede kubikka mipailo yesu mukuyanda kwakwe. Mbuli mbotukomena mukuzyiba inzilia zya Leza, Iuyooiya kuti mipailo ilamubotelezya Leza.

17. Bala Mataya 6:33.


- Ciindi notupaila, ncinzi ceelede kuza kusaanguna? _____

Mibuzyo Ya Mubandi

1. Ino mipailo nzi ili mukuyanda kwa Leza cakuti lyoonse kaiingula? Alimwi mipailo nzi njatavwiili nociba buti?
2. Leza wakaandanya mulembo wamu tempele akututamba kuza kulinguwe kuti tukonzye kwaambaula angwe. Sena nkumutukila notutayandi kukomba?
3. Leza ulaanguzu kwiinda ba leli bazyisi zyoonse .Ikuti muleli wacisi cako wakwiita kuti umwaambile nzyoyanda, sena inga wacita oobo? Sena tatweelede kutangala kwiindilila mukwaambila Leza nzyotuyanda? Nkaambo nzi bantu ncobaalilwa kupaila wayeeya buyo?

Lemba Camumutwe: Mataya 7:7

Bubanzi Bwabuna Kristo



Mataya 6 ¹⁹Mutaliyobwedi lubono ansi ano; mpaabisya mapempya ankalaya, ababbi mpobatulula kuti babbe. ²⁰Amuliyobwede lubono kujulu, nkwaatibisiyi mapempya ankalaya, ababbi nkubatatululi kuti babbe. ²¹Nkaambo lubono lwako nkulubede, nkukonya oko nkuubede moyo wako...

²⁴Taakwe muntu uukonzya kumanina bami bobile milimo, nkaambo ulasula umwi, ulavanda umwi, na ulakakatila umwi, ulasampaula umwi. Tamukonzyi kubelekela Leza antoomwe alubono.

²⁵Nkaambo kaako ndamwaambila kuti, Mutalibiliki kubuuni bwanu, kuti, Tukalyenzi? Tukanywenzi? nikuba kumbili yanu kuti, Tukasamenzi? Sa buumi tabwiindi zilyo, awalo mubili sa tuuindi zyakusama? ²⁶Amulange bayuni bakujulu, nkaambo tababyali, tabatebuli, tabayoboli mumatala, nekubaboobo Usowanu uuli kujulu ulabasanina. Sa inywe tamuyandiki kwiinda mbabo? ²⁷Nguni akati kanu uulibilika uukonzya kukomezya ciimo cakwe nikaba kakoko la komwe? ²⁸Alimwi nkaambonzi mulalibilikila zyakusama? Amuyeeesyeye impana zyamusokwe mbuzimena. Tazibeleki, taziluki, ²⁹pele ndamwaambila kuti naba Solomoni mubulemu bwakwe boonse teewakasamide mbuli imwi akati kanzizyo. ³⁰Lino Leza kuti kasamika boobo mani aamusokwe, aaliko sunu pe le junza alasowe lwa muciko, sa takaindi loko kumusamika anywebo nubasilusyomo-luniini. ³¹Nkaambo kako mutalibiliki cakwaamba kuti, Tukalyenzi? Tukanywenzi? Tukasamenzi? ³²Nkaambo nzezi zyoonse nzibayandaula bamasi, alimwi Usowanu uuli kujulu ulizi kuti zintu ezi zyoonse zilayandwa kulindinywe. ³³Pele amusaangune kuyandaula Bwami bwa-Leza abululami bwakwe, elyo zintu ezi zyoonse mulaziyungizizigwa azyalo. ³⁴Nkaambo kaako mutalibilikili zyajunza, nkaambo bwajunza bulalibilikila bwini. Buzuba kwasunu bulizulide mapenzi aabo bwalo.

Bika mumutwe camumutwe eeci: ba-Roma 12:1.

Tuli Basizikoloto Toonse Kuli Leza

1. Bala Ba-Kolosi 3:1-4.

Ino Kristo ulikuli lino? _____

Mibuzyo Ya Mubandi

1. Bala Ba-Galatiya 5:19-21. Ino njiili imwi micelo yamaunyama?
2. Ino tuiibona buti micelo ya Muuya Uusalala mumaumi eesu?
3. Notwaba a mucelo wa muuya Uusalala, bantu balakonzya kutubona na?

Kuzuzyigwa a Muuya Uusalala ciletela buumi bukkomanisya, buumi bwakuzunda a zileleko. Sena muzimwi ziindi walikwaalilwa nosoleka kulemeka Kristo? Sena wacili mutolo naa wakali kuyoowa kwaambila bamwi a makani a Kristo? Ikuti zyaambwa waawa zyaacobeni, eezi zytondezyo zyaamba kuti, weelede kusanzigwa a kuzuzyigwa kwa Muuya Uusalala. Sena ulayanda kuba a buumi buzwide muuya? Ndasyoma malailile aatobela inga akugwasya kapati.

Kopaila. Zumina kuti ulabula kusanzigwa kuzwa kubantu bukulukulu. Ulipede koonse kuli Leza akoonse kwako. Ba-Roma 12:1-2 lyaamba kuti,
“Nkaambo kaako, bakwesu, ndamukumbila kuti Kuluzyalo lwa-Leza mutuule mibile yanu, ibe cipaizyo cuumi, cisalala, ciyandisi kuli-Leza, mbubonya bukombe bwanu bwakumoyo. Alimwi mutakozyanizigwi aziyanzazyaciindi ecino, pele amusanduke kukucitululwa kwamyoyo yano, kuti makasimpikile makani ngaayanda Leza, makani mabotu aatambulika aalondokede.”

Umulumbe Leza kuti akazuzye a Muuya Uusalala mbuli mbwaakasyomezya kuti Uyoocita. Ba-Roma 6:19 lyaamba kuti,
“(Ndaamba cabuntukaambo kabulelu bwanyama bwanu). Lino Mbuli mbumwakaabila busofwi akasampusampu zizo zyanu mbuli bazike bakasampusampu, mbubonya obo sunu amwaabile bululami zizo zyanu, mbuli bazike babusalazi.”

Tambula Muuya Uusalala lino abube bwakwe boonse. Umulumbe Leza lino mukukuzuya Muuya Uusalala.

Lemba camumutwe eeci: Ba Efeso 5:18



Johane 15¹ Ndime cisiko cini camusaansa, Taata ngomukamwini muunda. ²Mitabi yoonse yangu iitazyali micelo wiitema, ayalo mitabi yoonse iizyala micelo wiikokweda kuti izyalisye micelo. ³Eno nywebo mulikokwedwe kale nkaambo kejwi ndendamwaambila. ⁴Amukalilile mulindime, amebo mulindinywe. Mbubonya mutabi mbuutakonzya kuzyala micelo wini watanooli kucisiko, anywebo mbubonya tamukonzya, mwatakalilila mulindime.

⁵Ndime cisiko, nywebo muli mitabi. Uukalilila mulindime, amebo mulinguwe, waloulazyala micelo minjiminji, nkaambo mwaanzaana amebo tamukonzya kucita cintu. ⁶Na muntu takalilila mulindime, wasoogwa mbuli mutabi, wayuminina. Eno bantu biitebba, akwiisowela mumulilo, nkabela yatentwa. ⁷Mwanookalilila mulindime, aalo majwi aangu anookalilila mulindinywe, mwaakukumbila kufumbwa cintu ncomuyanda, ciyooba mpawo. ⁸Taata ulalemezegwa, mwazyala micelo minjiminji, ncomunooli basikwiiya bangu.

⁹Mbubonya Taata mbwandiyanda, anywebo ndamuyanda mbubonya, kamukalilila muluyando lwangu. ¹⁰Mwanoobamba milao yangu, munookalilila muluyando lwangu, mbubonya mbwembamba milao ya-Taata, akukalilila muluyando lwakwe.

¹¹Ndamwaambila makani aya, kuti kubote lwa kwangu kube kulindinywe, akwalo kuti kubotelwa kwanu kukazyulile.

Camumutwe: Johane 15:10

Mwana na zyalwa ncintu cipati kuti tubone kuti wakomena. Ncimwi biyo abuna Kristo. Twamana kuba bana ba-Leza tweelede kupona mbuli bana bakwe akuti tukomene muzyintu zya-Leza. Leza takkomani kuti katuli banvwanda, pele kuti katukomena mubuna Kristo. Muciiyo eci uyooiia mbuli mbokonzya kukomena mubuna Kristo.

Ibbaibbele Ndijwi Lya Leza Kuli Ndiswe.

1. Bala II Timoteyo 3:14-17.

- Ino cakali cintu cipati buti kubala Bbaibbele kuli Timoteyo? (v-15)

_____ .

- Ino Bbaibbele lizwa kuli? (v-16) _____ .

- Mangwalo mabotu mukwaabelesya nzi? (v-16)

a) _____ .

b) _____ .

c) _____ .

d) _____ .

- Ino mangwalo amucitila nzi muntu wa Leza? (v-17)

_____ .

2. Bala II Petulo 1:19-21.

- Petulo utwaambila kuti I Bbaibbele lilimbuli mumuni umweka mumudima. Ino tweelde kucita nzi andilyo?(v-19) _____

_____ .

- Ino Bbaibbele lyakazwa Kuli? _____

_____ .

3. Bala Mataya 5:18.

- Ino nkunji buti kucinca mu-Bbaibbele? _____ .

Ino tulizyi kuti i bbaibbele lizwa kuli Leza. Ndiuji lya Leza kuli ndiswe. Njeimwi nzila mbwaambaula kulindiswe sunu. Aswebo tulakonzya kuzyiba akusyoma kuti Bbaibbele taakwe nilyakacincwa mukukulauka kwa myaka.

4. Bala Incito 17:11.

- Bantu baku Berea bakalikwiitwa kuti mbasungu nkaambo bakali kucita nzi? _____ .

5. Bala Ba-Roma 15:4.

- Ino Bbaibbele lyakalembelwa nzi? _____

_____ .

8. Bala Ba-Roma 6:6.

14

- Cilengwa ca cinyonyoono cakuzyalwa aco ciitwa kuti “muntu mukulukulu”. Kweendelanya a kampango aaka: Ino ncinzi cicitikide kucilengwa eeci cikulukulu? _____ .

9. Bala Ba-Roma 6:7.

- Ino ncinzi citobela naamana kufwa kumuntu uuya mukulukulu naa cilengwa eeci cikulukulu? _____ .

10. Bala Ba-Galantiya 2:20.

- Nguni wakali kupona muli Paulu naakamana kubambulwa a Kristo?

_____ .

Muuya Upa Nguzu

11. Bala Incito 1:8.

- Tuyootambula nguzu wasika Muuya Uusalala. Ino nkaambo nzi ncoutuutambulila Muuya Uusalala? _____

_____ .

12. Bala Incito 4:31.

- Ino bwakali bulumbu nzi bwakuzuzigwa Muuya Uusalala? _____

_____ .

13. Bala Incito 19:1-7.

- Ino cakali cintu cipati buti kumwaapositolo Paulu kutambula Muuya Uusalala? _____ .

Mucelo Wa Muuya Uusalala.

14. Bala Ba-Galatiya 5:22-23.

- Ntwamana kuzuzigwa muuya Uusalala mpoonya tuyoooba a mucelo wa Muuya Uusalala mubuumi bwesu. Lemba bube lusele akamwi lwitwa kuti micelo ya Muuya Uusalala. _____

_____ .

23

Notufulwa kuzwa kunyonyoona zyesu, tutambula Muuya Uusalala, pele kutaliu mubuzulide bwakwe. Notuzizigwa a Muuya Uusalala, Kuli zyicitika zyobile mubuumi bwesu. Kuli **kusalazigwa kucibi cakuzyalwa aacalo** alimwi kulikutambula nguzu-**nguzu zyakuba bakamboni** ba-Kristo.

Muuya Uusalala Ulapegwa Kubasyomi

1. Bala Johane 16:7.
 - Ino ncinzi Jesu ncaakasyomezya kuti uyootumina basyomi? _____
2. Bala Ba-Efeso 5:18.
 - Ino mulawonzi basyomi ngubakatambula? _____
3. Bala Johane 16:8.
 - Ino Muuya Uusalala asika uyocitanzi? _____
4. Bala Johane 16:13.
 - Ino umwi mulimo wa Muuya Uusalala ngwanzi? _____

Muuya Uusalala Nguusalazya Moyo

5. Bala Incito 15:8-9.
 - Ino Muuya Uusalala ucitanzi ku Moyo? _____
6. Bala I Ba-Kolinto 3:1-3.
 - Balatwaambila ncobula naa ncomweelede kusalazyigwa moyo, noliba eeliya notwamana kujatilwa zibi zyesu. Ino mbungano yaba Kolinto yakali muciiimonzi? _____
7. Bala I Ba-Tesolonika 5:23.
 - Ino Leza uyanda kuti moyo umanine buti kusalazigwa? _____

Kubala Kwamuziindi Zyoonse A Kuliya Jwi Lya Leza.

6. Intembauzyo 119:11 yaamba kuti “ndabikka milaizyo yako mumoyo wangu kuti nditakubisizyi.”
 - Kopa mukonzyanyo wa mbonga kwiina mukubamba milaizyo inga ya Leza yakulesya kubisya? _____
7. Bala Johane 15:7.
 - Ncinzi ncotweelede kucita kuti mipailo yesu yivwiilwe? _____
8. Intembauzyo 119:105, “Ijwi yako mumuni kumatende aangu alimwi ndilambe munzila yangu.”
 - Ino ijwi lya Leza liba buti mbuli mumuni kuli ndiwe? _____
9. Bala I Johane 5:13.
 - Ino mbubotu nzi buliko mukubala Bbaibbele? _____

Kuzumanana Kulemeka A Kusyoma Cakumaninina Muli Leza

10. Bala Johane 15:9-15.
 - Ncinzi ncotweelede kucita cakutaleka kutegwa tujatilile muluyando lwa Leza? _____
 - Ncinzi ncaatuziyibya Jesu?(v-15) _____
11. Bala I Johane 1:7.
 - Kutegwa muna Kristo kuti akonzye kuba abweenzinyina buzumana a Leza a kusalazyigwa kuzibi ncinzi ncaelede kucita? _____
12. Bala II Timoteyo 4:7.
 - Ncinzi Paulu ncaakazyi? _____
13. Bala Ba-Roma 12:1-2.
 - Nolipeda kuli Leza akuliya Bbaibbele nozyiba nzila zyakwe. Ino ncinzi Paulo ncaamba kuti cila sinta? _____

Mibuzyo Ya Mubandi

1. Ibaibbele lyakalembwa kwiinda myaka ilizyuulu zyobilo (2000 yrs), Kuzwa kuciindi ca Musa kusika kuciindi camamanino caba Apostolo. Balembi bakali a lwiiyo lwiindene a kwaandaana kwa luziyibo nokuba boobo wakali omwe muuya usalala wakali kuba solwedela boonse. Sena inga wabona masena abalembi bairidene mpobakalemba ambobairidene milembelo? Sena inga wabona a twaambo naa mulumbe mboutaimpene?
2. Ino kuliya Bbaibbele kwatolikke kutugwasya buti kuti tukomene mubuna Kristo?

Mbonga Waba Aaciindi Ca Kaumu-Umu A Leza

Weelede kuba aaciindi abuzuba abuzuba mbonga wabala Bbaibbele akwaambaula a Leza mukupaila. Jana ciindi a busena nkonga waba oliokke mukaumu-umu ,kuti kacikonzyeka. Muzeezo mubotu ngwaktui inga watalika kubala kuli Johane. Bala caandano (capter) abuzuba, utole ciindi kuyeya ncotwaamba tumpango ntoobala a ncotwaamba kulindiwe ciganinina. Leza uyanda kwaambaula andiwe kwiinda mujwi lyakwe i Bbaibbele. Inga cakugwasya kuti kolaa Bbuku lyakulembela mizeezo noiba mibuzyo inga yaboola nobala.

Wamana kubala weelede kutola ciindi mukupaila. Talika mukumulumba kutumpango ntoozwaakubala. Umulumbe kuluyando lwakwe a zileleko zyakwe zyinji. Pailila mukwasyi wakwanu a beenzyinyoko, alimwi abaabo batana futulwa. Ulipailile akumulomba Leza kuti akugwasye mubuumi bwabuna Kristo bwako. Mwaambile kufumbwa mapenzi ngojisi alimwi umulombe kuti ukonzye kumuziyiba kwiinda mbomuziyi kale.

Mbuli mbozumanana mubuumi bwaka umu-umu naa ca kupaila buzuba a buzuba,Uyooba muna Kristo usimide.

Lemba ca mumutwe eeci: Johane 15:10.

Buumi Buzwide Muuya



Ba-Roma 8 ¹Lino sunu taakwe luzulo kulibaabo bakamantene muli-Kristo Jesu (ibateendi mbuli nyama anukuti mbuli muuya). ²Nkaambo Mulao wamuuya wabuumi bwamuli-Kristo Jesu wandilubula kumulao wazibi awalufu. ³Nkaambo eco icatakonzeka ku-Mulao, ikuti wakalikompeme nkaambo kanyama, wakacicita Leza. Walo wakatuma mwanaakwe mwini mucikozyano canyama yazibi nkaambo kazibi, nkabela mbubonya wakazula zibi zyamunyama, ⁴kuti bululami bwa-Mulao bukalandolwe mulindiswe, swebo tuteendi mbuli nyama anukuti mbuli muuya.

⁵Nkaambo basinyama balayeeya makani aanyama, anukuti basimuuya balayeeya makani aamuuya. ⁶Ikuti miyeeyo yanyama ndufu, anukuti miyeeyo yamuuya mbuumi, alimwi nduumuno. ⁷Nkaambo kakuti miyeeyo yanyama ngusinkondonyina Leza, ikuti tiilibombyi ku-Mulao wa-Leza nikuba kukonzya kulibombya. ⁸Basinyama tabakonzyi kubotezya Leza pe.

⁹Pele nywebo tamuli basinyama, muli basimuuya, nkukuti Muuya wa-Leza nuumukalilide mukati. Umwi uutajisi Muuya wa-Kristo, oyu teensi wakwe pe. ¹⁰Kuti Kristo ulimukalilide mukati, elyo mubili ulifwide nkaambo kazibi, anukuti muuya muumi nkaambo kabululami. ¹¹Pele kuti ulimukalilide mukati Muuya wasikubusya Jesu kuzwa kubafu, elyo oyo sikubusya Kristo kubafu ulaponosya mibili yanu mifwisi ayalo kunguzu zya-Muuya wakwe uumukalilide mukati.

Bika mumutwe: Ba-Efeso 5:18.

Kujatilwa zinyonyoono zyako akuba a luumuno a Leza nduziyibo lugambya.Pele kwalo nkocicili cimwi Leza ncayanda kukucitila.Uyanda kukuzuya a Muuya wakwe Uusalala. Jesu naakasiya nyika eeyi akupiluka kuli Wisyi,wakasyozya kuti uyootuma Muuya Uusalala Kuzyookkalilila mulindiswe lyaonse.Leza uyanda kuzuzikizya cisyomezyo eeci mulinduwe.eeci cimwi ciindi ciitwa kuti “ Mbuumi buzwide Muuya”

15. Bala I Ba-Kolinto 12:11.

- Swna nkbalu bana Kristo batakwe zypego na? _____.

16. Bala Ba-Efeso 4:11-14.

- Ino zipigo nzyakubeleseghwa nzi? (v-12) _____.

Mizezo Yangu Yambweyanda Kwaambila Bamwi

17. Lemba mazyina abantu mboyanda kukombela akubaaambila makani a lufutuko. _____.

18. Yeeya mbonga waambila umwi a mbuli nzyaakakucitila Jesu mubuumi bwako . Koliya mbonga wasolwedela umwi mumupailo wa kulomba Jesu kuti amulekelele.

Mibuzyo Ya Mubandi

1. Koyeeya nzyokonzya kucita naa zili mubulowa ,zyipego zyaMumuuya , alwiiyo ndojisi,Ino mulimo nzi ngonga wamubelekela Mwami?
2. Sena ulaamwiingulo cigaminina kuli Leza amakani akuleta bamwi bantu mbozyi kuli Kristo?
3. Nguni wakalaamulimo wakukuleta kuli Kristo?Mbokunga lino uli muna Kristo ncinzi ncoelde kucita?

Lemba camumutwe: Incito 1:8.

Kwaambila Bamwi



Johane 4⁴ Eno wakali kweelede kwiinda mu-Samariya. ⁵Elyo wakasika kumunzi wa-Samariya, uutegwa Sukari, afwaafwi kucisi eco Jakobo ncaakapa mwanaakwe Josefa, ⁶ecikala ca-Jakobo cakaliwo awo. Nkaambo kaako Jesu, mbwaakakatede kukweenda kwakwe, wakakala buyo ambali acikala. Lyakali isikati. ⁷Kwakeza mwanakazi mu-Samariya kuzooteka maanzi. Jesu wakamwaambila kuti, Ndipa nywe.

⁸(Nkaambo basikwiiya bakwe bakainkide kumunzi kuyoola zyakulya.) ⁹Mwanakazi mu-Samariya wakamwaambila kuti, Cilakonzeka buti, kuti yebo omu-Juda undikumbile cakunywa, mbwendi mu-Samariya? (Nkaambo ba-Juda tabalidi mutiba omwe aba-Samariya.). ¹⁰Jesu wakavuwa kuti, Nowali kuzi cipegwa ca-Leza, ayooyo uukwaambila kuti, Ndipa nywe, na nguni, nowamukumbila nguwe, awalo naakupa maanzi aabuumi.

¹¹Mwanakazi wakamwaambila kuti, Omwami, tojisi cakutesya, alimwi cikala ncilamfu, ino maanzi ayo aabuumi uzooateka kuli? ¹²Sena uli mupati kwiinda tateesu Jakobo, uwakatupa cikala eci, mwaali kunywa mwini, abana bakwe, ejombe zyakwe?

¹³Jesu wakavuwa kuti, Umwi umwi uunywa aya maanzi ulafwa nyota alimwi, ¹⁴pele oyo uuti nywe maanzi ngenti mupe, tacifwi limbi, pele maanzi ngenti mupe buyooba bulolo bwamaanzi mulinguwe, aatuntumukila kubuumi ubutamani.

¹⁵Mwanakazi wakamwaambila kuti, Omwami, ndipa aya maanzi, kuti nkentacifwi limbi nyota, nokuba kuti nkentacibooli kuno kuteka lyoonse.

¹⁶Jesu wamwaambila kuti, Koya ukaite mwaaluMarko, ayebo uze kokuno.

¹⁷Mwanakazi wakavuwa kuti, Nsijisi mwaalumi.

Jesu wakamwambila wati, Waamba kasimpe kuti, Nsijisi mwaalumi, ¹⁸nkaambo wali kujisi baalumi bosanwe, eno oyo uukukwete sunu tali mwaaluMarko, obo waamba kasimpe. ¹⁹Mwanakazi wakamwaambila kuti, Mwami ndakuziba kuti uli musinsimi.

²⁰Bamatateesu bali kukomba mudundu eli, eno nywebo muamba kuti ku-Jerusalemu nkobeelede bantu kuyookombela.

²¹Jesu wakamwaambila kuti, Yoo mwanakazi, ndisyoma, ciindi cileza kuti nomuba mudundu eli, nokuba ku-Jerusalemu, enko nkomuyookombela Taata. ²²Mulakomba ncomutezi, swebo tulakomba eco ncotuzi, nkaambo lufutuko luzwa kuba-Juda. ²³Pele ciindi cilasika, ncencico cino, abakomba cakasimpe ncobayoomukomba Taata

mumuuya amubwini, nkaambo mbambabo abo mbayanda Taata, kuti babe basikumu-komba. ²⁴Leza ngo-Muuya, eno abamukomba balyeelede kumukomba mumuuya amubwini.

²⁵Mwanakazi wakamwaambila kuti, Ndilizi kuti Mesiya uleza (uutegwa Kristo), asika uyootupandulwida zintu zyoonse.

²⁶Jesu wakamwaambila kuti, Ede kai, ndime Mesiya.

²⁷Mpoonya abalo basikwiiya bakwe bakasika, eno bakagambwa kuti ulaambaula amwanakazi, nokuboobo takukwe naba omwe uwakamubuzya kuti, Ukumbilanzi, nokuba kuti, Uambanzi awalo?

²⁸Nkaambo kaako mwanakazi wakasia nongo yakwe, wakainka kumunzi ukuyooambila bantu kuti, ²⁹Kamuboola, mukabone muntu uwandyaambila zintu zyoonse nzendakacita, inga kali ngo-Kristo? ³⁰Nkabela bakazwa mumunzi ukuya kulinguwe.

³⁹Eno kumunzi oyo banjibanji ba-Samariya bakamusyoma nkaambo kajwi lyamwanakazi ndyaakati, Wandyaambila zintu zyoonse nzendakacita.

Bika mumutwe camumutwe eeci: Incito 1:8.

Mbuli mukaintu waku-Samaliya mbwaakaunka kwaambila beenzyinyina amakani a Jesu, aswebo tweeledede kwaambila bamwi .Mukupailila basikwiiya bakwe Jesu wakati, "Tabali bamunyika eeyi, ambebo mbwentali wamunyika eeyi. Mbweena mbowakandituma munyika, ambebo ndabatuma munyika." Tula tumwa munyika kutegwa tube bakamboni bakwe, kutegwa nyika isyome mulinguwe. Bukamboni nkwaambila bamwi nzyaakucitila Jesu—mbuli mbwaabucinca buumi bwako. Tujisi cintu cibotu cakwaamila bamwi.

Inyika Yeelede Kumvwa Mulumbe Wa Lufutuko

1. Bala Ba-Efeso 2:12.
 - Libaita buti aabo batana zyalululwa? _____ .
2. Bala Johane 3:18.
 - Ino nkaambo nzi kakubetekwa naa kuba kubulubizyi? _____ .
3. Bala Luka 19:10.
 - Ino nkaambo nzi Jesu ncaakaboolela munyika? _____ .
4. Bala Johane 3:16.
 - Ino ncinzi bantu ncobeelede kucita kuti ba futuke? _____ .

5. Bala Johane 14:6.
 - Sena kuli nzila zyimbi ziyakufutulwa kunze kwakusyoma muli Jesu? _____ .

Bana Kristo Beelede Kuleta Bantu Kuli Kristo

6. Bala Johane 1:40-42.
 - Anduleya naakatobela Jesu ncinzi ncaakacita? _____ .
 7. Bala Johane 1:42.
 - Nkuukuli Anduleya nkwaakamuleta Saimoni? _____ .
 8. Bala Luka 8:39. Jesu naakamana kuponya Simadaimona,
 - Nkukuli Jesu nkwaakamutuma? _____ .
 - Ncinzi Jesu ncaaka mwaambila kucita? _____ .
 - Nkukuli kumbi nkwaakambila bamwi a makani a Jesu? _____ .
 9. Bala Incito 1:8.
 - Ncinzi Jesu ncayanda kuti tucite twamana kutambula nguzu? _____ .
 - Tuyootambula nguzu ziyotugwasya kwaambila bamwi a makani a Jesu. Ino nguzu eezyi zizwida kuli? _____ .
 10. Bala Johane 4:7.
 - Ino mbangaye Jesu bantu mbaakakambaukila? _____ .
 11. Bala Incito 8:26-39.
 - Nguni Filipino ngwaakali kukambaukila? _____ .
 12. Bala Incito 5:42.
 - Nkuli basikwiiya nkobakakambauka? _____ .
- ## ***Muuya Uusalala Ulapa Zyipego Zisalesale Zyamulimo***
13. Bala I Ba-Kolinto 12:4-11.
 - Ino zyipego nzi ziyigwasya mukwaambila bamwi? _____ .
 14. Bala Ba-Roma 12:3-8.
 - Ino nzyipego nzi zyaambwa aawa? _____ .